

瑜伽師地論

第五十

二百廿七
惡十

49040

192



元祿九年丙子二月日重脩

皇圖聖圖 帝潛銀昌

佛日增輝 懋輪常轉

山城州天安寺法金剛院置



瑜伽師地論卷第五十

彌勒菩薩說

沙門玄奘奉詔譯



惡

本地分中菩薩地第十五

第三持究竟瑜伽處建立品第五之二

如是別釋佛十力已今當摠辨暹拖南曰

自性與分別 不共亦平等 作業及次第

差別最為後

如是所說如來十力所有自性應當了知所

有分別應當了知所有不共應當了知所有

平等應當了知所有作業應當了知所有次

第應當了知所有差別應當了知由是七相

應知如來十力略義



云何如來十力自性謂摠五根為其自性由
慧勝故具說十力慧為自性所以但言處非
處智力不言信力不言餘力如處非處智力
如是餘力當知亦尔是名如來十力自性

云何如來十力分別謂若略說由三分別當

知無量一者由時分分別謂於墮在過去未

惡 瑜伽師地論五十

來及現在世一切所知隨悟入故二者由品

類分別謂於一一諸有為事自相共相一切

行相隨悟入故三者由相續分別謂於十方

一切有情界各各差別一切相續一切事義

隨悟入故即由如是三種分別如來十力當

知無量是名如來十力分別

云何如來十力不共謂唯如來有此十力不
共一切聲聞獨覺是名如來十力不共
云何如來十力平等謂此十力一切如來悉
皆平等具足成就故說平等無有差別若就
如來多所安住是則如來如是十力展轉差
別謂餘如來多住餘力其餘如來復住餘力
是名如來十力平等
云何如來十力作業謂如來所有處非處智
力於諸因中如實知因於諸果中如實知果
及能降伏無因惡因種種諍論一切沙門婆
羅門等如來所有自業智力於自所作受用
果業如實了知及能降伏施福移轉種種諍

論一切沙門婆羅門等如來所有靜慮解脫
等持等至智力能現三種神變無倒教授所
化有情及能降伏安住種種相違異品怨害
諦論一切沙門婆羅門等如來所有根勝劣
智力於諸有情輒中上根部分差別如實了
知及能於彼如應如宜為說正法如來所有
種種勝解思 瑜伽師地論 智力於諸有情軟中上品淨與不
淨勝解差別如實了知其淨勝解令漸增長
不淨勝解令漸捨離如來所有種種界智力
於諸有情劣中妙界部分差別如實了知於
諸有情能如其根如其意樂如其隨眠依於
彼彼趣入門中無倒教授如應安立此中如

來為諸聲聞依於彼彼趣入門中與正教授
如聲聞地盡一切種無間宜說顯發辯了施
設開示云何如來教授一切始業初業等持
資糧攝受安住欲住其心諸菩薩衆令心得
住謂諸如來為無訥曲恭敬愛重等持資糧
始業初業諸菩薩衆最初施設無倒教授如
是告言善男子來汝當安處遠離卧具獨一
無二於內寂靜如理思惟汝之父母所為立
名或汝親教軌範師等所為立名如是思惟
我今為有離六處法自性真實或內或外或
兩中間於此有中如是各想施設假立言說
轉取汝既如是正思惟已當於此法都無所

得唯當如是如實了知但於容法有容想轉
汝善男子若於尔時於自己名唯有容想已
生已得復應在內如理思惟於汝眼中所有
制立眼名眼想眼假於設如是思惟我此眼
中唯二可得謂此制立眼名眼想眼假於設
及故唯事於中假立名想施設除此無有若
惡 瑜伽師地論云十
過共增於此眼中所制立眼名眼想眼假
於設且非是眼此唯有事於中假立眼名想
等當知自性亦非是眼何以故非於此中遠
離所立眼名眼想眼假施設少有眼覺而能
轉故若有此事體是真實稱名所說不應於
中更待眼名方有如是眼覺而轉唯應自性

不由聽聞不由分別彼所立名但於此事有
眼覺轉然無如是不待名言覺轉可得是故
此中唯於容法而有其容眼名眼想眼假施
設汝既如是於其內眼如理思惟復於眼想
唯有容想當生當得如於其眼如是於耳鼻
舌身等廣說乃至見聞覺知已得已來若已
作意隨尋隨何以要言之普於一切諸法想
中唯有容想當生當得如是汝於自己身中
所有假想能盡除遣勤加行道當正攝受廣
說乃至一切法中所有假想能盡除遣勤加
行道當正攝受汝由如是一切所知善觀察
覺普於一切諸法想中起唯容想於一切法

所有一切戲論之想數數除遣以無分別無
相之心唯取義轉於此事中多修習住汝若
如是當依如來妙智清淨等持種性獲得無
倒心一境性如是汝等若於不淨作意思惟
於此作意勿當捨離若於慈愍若於緣性緣
起若於界差別若於阿那波那念若於初靜
思 瑜伽師地論五十
慮廣說乃至若於非想非非想處無量菩薩
靜慮神通等持等至作意思惟於此作意勿
當捨離汝若如是修此菩薩無倒作意漸次
乃至當得無上正等菩提究竟出離當知是
名一切菩薩遍趣正行過去如來亦為始業
諸菩薩衆已正施設如是教授未來如來亦

為始業諸菩薩衆當正施設如是教授現在
如來亦為始業諸菩薩衆現正施設如是教
授諸聲聞等於此作意勤修習時亦能速疾
得勝通慧若能於此無倒作意如實通達便
能獲得諸法現觀如來所有遍趣行智力於
一切苦能出離行不出離行如實了知及令
捨離不出離行能正授與能出離行如來所
有宿住隨念智力於其前際本事本生數數
念已為令所化諸有情類心生厭離心生淨
信正為宣說及能降伏執者常論一心沙門
婆羅門等如來所有死生智力於諸弟子過
往遷謝當所受生能正記別及能降伏執者

新論一切沙門婆羅門等如來所有漏盡智
力於自解脫無惑無疑及能降伏於阿羅漢
起增上慢一切沙門婆羅門等是名如來十
力作業云何如來十力次第謂諸如來於其
無上正等菩提初證得時即便頓得一切十
力頓證得已後時次第方現在前謂諸如來
惡 瑜伽師地論五下
初成佛時先起處非處智力觀察諸法建立
一切無倒因果既觀察已次起自業智力若
有希求即於欲界同分界中可愛殊勝異熟
果者方便為說令其遠離諸不善業令其現
行所有善業次起靜慮解脫等持等至智力
若諸有情希求世間離欲法者與其教授令

彼趣向世間。離欲令彼獲得如實之道。次起
所餘如來十力。若諸有情希求出世。離欲法
者如應為說。趣出世間。離欲之道。謂於此中
先起根勝劣。智力如實觀察。希求出世。離欲
者。根次起。種種勝解。智力如實觀察。彼根為
先。所有有意樂。次起種種界。智力如實觀察。意
樂為先。所有隨眠。如是了知。彼根。意樂及隨
眠。已次起。遍趣行。智力如其所應。令於所緣
趣入門中。而得趣入。次起宿住隨念。智力及
死生智力。彼由如應所緣。趣入門。加行攝住
心已。淨修行已。為說中道。令其遠離薩迦耶
見。以為根本。當斷邊執。為令永斷一切煩惱。

從此後起漏盡智力若有如是正修方便奢
摩他力之所任持雖未永斷一切煩惱而由
獲得不現行故起不作作增上慢者令其捨
離此增上慢是名十力一門次第復有異門
十力次第謂諸如來於其無上正等菩提初
證得時最初發起處非處智力令現在前普
惡瑜伽師地論卷十
於一切緣生法中觀察最勝妙法住智即依
如是妙法住智次起自業智力觀在家分由
彼彼業種種差別依在家分習當現時修證
差別如是觀察在家分已次起靜慮解脫等
持等至智力觀出家分謂於如是出家分中
為有能說出苦難苦正道者耶為無有耶如

是觀已正知都無觀諸世間無有救護無所
歸依由大悲故以其佛眼如實觀照一切世
間既觀照已次起根勝劣智力現前了知住
在世間種種有情生在世間長在世間或有
鈍根或有中根或有利根現前已便於說
法其心趣入次後如前一切所餘種種勝解
智力等事次第應知是第二門十力次第復
有異門十力次第謂諸如來於其無上正等
菩提初證得時最初發起處非處智力令現
在前觀察一切緣生法界次起自業智力即
於如是緣生法中觀察假立有情名想諸有
情界如是有情自造如是色類諸業還受如

是色類諸果如實觀察如是法界有情界已
次起靜慮解脫等持等至智力即為如是諸
有情類解脫苦故示現三種無倒神變而教
授之既教授已次起餘力如前次第知根等
已於其正道令趣入已然後方便令彼有情

解脫衆苦是第三門十力次第

惡

瑜珈師地論卷十

七

云何如來十力差別謂此十力展轉相望亦
有差別亦無差別處非處智力等與自業智
力等有何差別若正了知善不善業能感所
有愛非愛果當知此由處非處智力故若正
了知諸有能造善不善業即彼能受愛非愛
果而非所餘當知此由自業智力故若正了

知諸有能修靜慮解脫等持等至即彼能入
靜慮等定而非所餘當知此由自業智力故
若正了知即依如是靜慮等定現三神變無
倒教授所化有情當知此由靜慮解脫等持
等至智力故若正照取信等俱生相應之心
當知此由靜慮解脫等持等至智力故若正
分別即彼諸根較中上品種種差別當知此
由根勝劣智力故若正照取諸根為先彼彼
法中種種意樂當知此由根勝劣智力故若
正分別即彼意樂種種差別當知此由種種
勝解智力故即彼意樂當知分別略有六種
一者不出離意樂謂於各別大自在天那羅

延天梵世間等起信解者所有意樂二者出
離意樂謂於三乘起信解者所有意樂三者
遠清淨意樂謂安住下品中品成熟者所有
意樂四者近清淨意樂謂安住上品成熟者
所有意樂五者即於現法得涅槃意樂謂由
聲聞乘所得涅槃起信解者所有意樂六者
思 瑜伽師地論卷十
於當來世得涅槃意樂謂由大乘所得涅槃
起信解者所有意樂若正照取勝解所起相
似種子當知此由種種勝解智力故若正照
取即彼種子差別分別無量品類當知此由
種種界智力故又即彼界當知分別略有四
種一者本性住種子二者先習起種子三者

可修治種子謂有般涅槃法者所有種子四
者不可修治種子謂無般涅槃法者所有種
子若正了知如粿種類行跡趣入當知此由
種種界智力故若正分別即彼行跡一切品
類如是行跡能令離染如是行跡能令畢竟
清淨如是行跡能令不畢竟清淨當知此由
遍趣行智力故若如實知前際隨念一切趣
因前際俱行當知此由遍趣行智力故若正
了知如前分別種種隨順八言說句六種略
行當知此由宿住隨念智力故若正了知依
於前際有情死生當知此由宿住隨念智力
故若正觀見後際種種有情死生當知此由

死生智力故若正了知於自事義未得究竟
有情後際受生相續當知此由死生智力故
若正了知於自事義已得究竟心善解脫於
現法中證得涅槃當知此由漏盡智力故當
知是名如來十力展轉相望亦有差別亦無
差別如來所有四無畏文如契經說應知其
惡 瑜伽師地論卷十
相謂諸如來於其四處在大象中而自稱嘆
謂所知障永解脫故於一切種一切法中現
等正覺不來聲聞是第一處諸煩惱障永解
脫故證得漏盡其諸聲聞是第二處為求解
脫諸有情類超過衆苦說出離道是第三處
即於能出道得為礙說諸障法應當遠離是

第四處如來既於如是四處如其實義自稱
嘆已次後他於自所稱嘆前之二處所有相
違身語意業而興誇難復於後二自稱嘆處
所有相違前後乖反墮非理相而興誇難復
於世間有明見者無明見者有他心智者無
他心智者如來於此自稱能處能為對治諸
誇難中都不可見有如實因相由是因緣於此
四處能自了知坦然無畏心無怯劣無所疑
慮都無驚懼又佛大師唯有尔所正應稱嘆
謂自利行及利他行俱善圓滿當知此中前
二稱嘆自利行滿後二稱嘆利他行滿此中
如來若自稱嘆於一切法現等覺故成正等

覺當知正為等趣大乘諸菩薩故若自稱嘆
一切漏盡當知正為等趣聲聞及獨覺乘諸
有情故若復稱嘆能出離道及諸障法當知
俱為等趣諸乘諸有情故如是如來所說經
句謂我為諸菩薩聲聞說出離道乃至廣說
諸結集者於所結集聲聞藏中除菩薩言於

惡

瑜伽師地論五十

十

所結集菩薩藏中但唯誦此菩薩之言

如來所有三念住文如契經說應知其相謂
諸如來於其長夜有如是欲如何當令諸有
情類於我善說法毗柰耶無倒行中如實隨
住如是長夜欲樂法主化御衆時若所希欲
或遂不遂不生雜染由三念住略所顯故此

三念住獲由三衆差別建立云何三衆若彼
一切一向正行是第一衆若彼一切一向邪
行是第二衆若彼衆中一分正行一分邪行
是第三衆
如來所有三不護文如契經說應知其相謂
諸如來以要言之於一切種鄙惡所作覆藏
永斷由三不護之所顯示諸阿羅漢由忘念
故於時時間片有無記鄙惡所作如來於此
一切一切皆無所有是故如來於諸弟子如
所立要即如自性切切誠勗顯顯呵擯時獲
現行率尔敷逼於諸弟子無所防慮所謂勿
彼共住多時知我所行三業不淨因於前事

意懷不悅由斯不順乃事乖違或面譏我或
向他說當知如來所有大悲一切種相皆悉
如前供養親近無量品說當知如是如來大
悲無量無上

云何如來無忘失法謂諸如來常隨記念若

事若處若如惡若時有所為作如來即於此事

瑜加師地論卷十

十一

此處此如此時皆正隨念是名如來無忘失
法所謂如來普於一切所作事業普於一切
方處差別普於一切所作方便普於一切時
分差別念無忘失常住正念當知是名無忘
失法

云何如來永害習氣謂諸如來或於動轉或

於瞻視或於言論或於安住似有煩惱所起
作業多不現行是名如來永害習氣諸阿羅
漢雖斷煩惱而於動轉瞻視言論及安住中
而有種種似有煩惱所起作業

云何如來一切種妙智謂諸如來以要言之
於三聚法現等正覺何等為三一者能引有
義聚法二者能引無義聚法三者非能引有
義聚法非能引無義聚法當知此中若諸如
來或於能引無義聚法或於非能引有義聚
法非能引無義聚法摠於如是一切法中無
顛倒智是名如來一切種智若諸如來於其
能引有義聚法一切法中無顛倒智當知其

名如來妙智即於此中若一切種智若妙智
摠合為一名一切種妙智

如是一切摠名如來百四十種不共佛法即

於此中諸相隨好在菩薩位最後有中皆已

證得極善清淨若時菩薩坐菩提座住最後

有於思菩薩道菩提資糧極善圓滿十二爾時無師

修三十七菩提分法得一刹那名無障礙智

三摩地是其菩薩學道所攝金剛喻定從此

無間第二剎那頓得其餘不共佛法謂如來

十力為初一切種妙智為後皆極清淨悉為

無上由得此故普於一切所知境界無滯無

障最極清淨無垢智轉依暫發悟思惟圓滿

意轉圓滿超過一切菩薩行菩薩地證入一切如來行如來地一切在實所知障品所有麤重無餘斷故得勝轉依如是轉依最為無上其餘一切乃至最上成滿住中菩薩轉依當知有上
問一切安住到究竟地菩薩智等如來智等云何應知此二差別答如明眼人隔於輕縠觀衆色像一切安住到究竟地菩薩妙智於一切境當知亦尔如明眼人無所障隔觀衆色像如來妙智於一切境當知亦尔如畫事業圓布衆絲唯後微妙色未淨修治到究竟地菩薩妙智當知亦尔如畫事業圓布衆絲

最後妙色已淨修治如來妙智當知亦尔如
明眼人於微闇中覩見衆色到究竟地菩薩
妙智當知亦尔如明眼人離一切闇覩見衆
色如來妙智當知亦尔如明眼人遠覩衆色
到究竟地菩薩妙智當知亦尔如明眼人近
覩衆色如來妙智當知亦尔如輕翳眼覩視
惡 瑜伽師地論卷下
衆色到究竟地菩薩妙智當知亦尔如極淨
眼覩視衆色如來妙智當知亦尔如處胎身
到究竟地諸菩薩身當知亦尔如出胎身諸
如來身當知亦尔如阿羅漢夢中心行到究
竟地菩薩心行當知亦尔如阿羅漢覺時心
行如來心行當知亦尔如昧燈體到究竟地

菩薩智體當知亦尔如明燈體如來智體當
知亦尔是故當知一切安住到究竟地諸菩
薩衆與諸如來妙智身心有大差別

如是如來證菩提已遍於十方一切佛土普
能施作一切佛事云何名為一切佛事謂諸
如來如來事業如來所作略有十種如是一
一如來事業如來所作能成無量利有情事
此外無有若過若增何等為十謂諸如來最
初自現大丈夫身欲令有情心發淨信大丈
夫身於生淨信為最勝故是名如來第一作
事如是作事諸相隨好所能成辦又諸如來
普為一切有情之類起一切種教授加行是

名如來第二作事如是作事由一切種清淨
所能成辦又諸如來能作一切利有情事能
斷一切所生疑惑是名如來第三作事如是
作事如來十力所能成辦由前所說如來十
力於能成辦一切有情一切義利有堪能故
又於如來所證十力所興問難唯有如來能
惡 瑜如師地論五十
知能見能解能了唯有如來於彼問難能正
答故又諸如來普能降伏一切他論普能成
立一切自論是名如來第四作事如是作事
四無所畏所能成辦又諸如來所化有情於
佛教勅若正安住不正安住如來於彼心無
雜染是名如來第五作事如是作事三種念

住所能成辨又諸如來如自所言即如是作
是名如來第六作事如是作事三種不護所
能成辨又諸如來常以佛眼於晝夜分遍觀
世間是名如來第七作事如是作事如來大
悲所能成辨又諸如來頓於一切一切作事
皆無退捨是名如來第八作事如是作事無
忘失法所能成辨又諸如來所行儀軌如實
隨轉無越作用是名如來第九作事如是作
事永害習氣所能成辨又諸如來於其能引
無義聚法於不能引有義聚法亦不能引無
義聚法揀擇捨離於其能引有義聚法為衆
宜說開示顯發是名如來第十作事如是作

事一切種妙智所能成辦如是如來由前所
說百四十種不共佛法能作如來一切所作
一切佛事如是佛事若廣分別不易可數乃
至俱胝那庾多百千大劫說不能盡

如是所說諸如來住諸如來地名為建立何

以故依此住此希求品類諸菩薩衆於菩薩

惡 瑜伽經論卷十

十五

學能正修學亦依住此而有所證即依住此

普能成辦一切有情一切義利是故說此名

為建立又此一切所說佛法於利他事最為

隨順一切如來是利他事之所顯現聲聞獨

覺則不如是是故說名不共佛法又於如是

諸佛法中自有佛法聲聞獨覺一切一切皆

所不得所謂大悲無忘失法永害習氣一切
種妙智自有佛法雖分似得而一切種皆不
圓滿如來於彼一切一切悉皆證得於一切
種無不圓滿最極超過最極殊妙是故皆說
名為不共當知此中獨一有義是不共義如
是圓滿顯示一切菩薩學道及學道果名菩
薩地具說一切菩薩學道及學道果一切種
教實依處故又此菩薩地亦名菩薩藏摩怛
理迦亦名攝大乘亦名開示壞不壞路亦名
無障智淨根本

若諸所有天人世間或天或人若諸沙門婆
羅門等於此所說菩薩地中起堅信解樂聞

受持精勤修學廣為他說下至書持供養恭
敬深心愛重所得福聚以要言之如薄伽梵
於菩薩藏所攝一切微妙經典樂聞等業宜
說顯了分別施設開示稱讚所獲福聚等無
有異何以故此菩薩地顯示一切菩薩藏中
略標廣釋諸門攝故此地中能廣開示法
思 瑜師地論五十一
毗奈耶乃至衆多所化有情於此正法受持
讀誦法隨法行安住增長廣大勝進於今所
時像似正法不得興盛正法不滅若於今時
像似正法當得興盛即於今時能引實義所
有正法當速滅沒是故於此菩薩地中起堅
信解樂聞受持乃至廣說所得福聚無量無

邊本地分中菩薩地第十五

第四持次第瑜伽處發正等菩提心品

如是已說菩薩地義云何應知此中次第謂
諸菩薩要先安住菩薩種性乃能正發阿耨
多羅三藐三菩提心既發心已方正修行自
他利行於自他利正修行時得無雜染方便
無雜染故得無厭倦方便無厭倦故得諸善
根增長方便於諸善根得增長已能證無上
正等菩提又於如是自他利加行無雜染方
便無厭倦方便善根增長方便得大菩提中
將修行時先於甚深廣大正法安立信解立
信解已訪求正法求正法已廣為他說亦於

正行自能成辦於成辦時若由此於此為此
應行即由此於此為此而行由此於此為此
行時如令福德智慧增長所應行者即如是
行福德智慧既增長已於不捨離生死方便
能正修行即於此中正修行時能行生死無
雜惡深瑜伽師地論行即於此中正修行時能於自樂行無十七
者行即於此中正修行時能於無量生死大
苦能正修行無厭倦行由於生死無厭倦故
能正訪求種種異論於一切論得無所畏善
知論已復能了知所應為說所可宜說應如
是說由此智故善知世間如是菩薩善知諸
論及世間已復能如理訪求正法既訪求已

堪能善斷一切有情一切疑惑如是堪能斷
他疑惑令自福德展轉增長福德資糧漸得
圓滿令自智慧亦轉增長智慧資糧漸得圓
滿二種資糧既圓滿已於諦行相菩提分法
無倒修中能勤修行於修方便能正了知即
持如是正勤所修迴向大乘般涅槃果不求
聲聞及獨覺乘般涅槃果既得如是方便善
巧能於一切菩薩語言聽聞受持依修力故
於昔未聞所有諸法一切種相皆能辦了於
陀羅尼無礙辯才皆得圓滿為欲永斷一切
障故精勤修習三解脱門即於此中正修行
時為斷自他一切顛倒增上慢故勤修正行

如是能於一切種相正行圓滿如是正行得
圓滿已於一切有情及聲聞獨覺皆為殊勝
所謂正行功德殊勝及可稱讚功德殊勝當
知此中正行功德殊勝菩薩為利自他勤修
正行用利他事以為自事聲聞獨覺則不如
是由諸菩薩用利他事為自事故於一切有
情起如自己平等之心由起如是平等心故
於諸有情常施恩惠不望其報菩薩如是勤
修行時常於有情發起希望欲令彼得利益
安樂由是利益安樂意樂常能起作不虛加
行當知是名展轉引發正行功德殊勝當知
此中稱讚功德殊勝菩薩於諸佛所獲得授

惡

瑜加師地論五下

十八

記非諸聲聞亦非獨覺得授記已便能安住
不退轉地安住此中能於一切決定所作恒
常所作獲得堅固無忘失法如是堅固無忘
失法諸佛菩薩施設在於一切有情最上施
設善於一切所應作事能無退失於未得退
亦無退失無退失時恒常無間一切善法運
運增長如明分月由諸善法轉增長故菩薩
今時得名真實不名相似由得真實菩薩名
故於一切種一切有情調伏方便如實了知
如實知故一切安立皆得善巧從此尋求於
此尋求由此尋求既尋求已由此究竟皆正
安立如是名為一切安立皆得善巧於諸安

立得善巧故復於教授能得善巧於其教授
得善巧故復能獲得無量所緣三摩地王獲
得如是三摩地已能不唐捐宜說正法種種
行相說正法時皆有勝果能於大乘究竟出
離以依大性而出離故能攝大乘由此復於
彼彼大乘出離位中得彼彼名一切菩薩同

惡

瑜伽師地論五

十九

共此名一切世間諸佛菩薩皆共安立皆共
稱歎當知是名所可稱讚功德殊勝由得如
是殊勝名故當知獲得諸菩薩相諸相所相
成就其相如是正行一切種相在家出家二
分菩薩所能成辦於二分中能成辦已正行
堅固於諸善品獲得一向增上意樂如是意

樂或在家品所應攝受或出家品所應攝受
或於善品能正安立乃至安住從此已上故
作意思受諸有生於彼生處常得值遇諸佛
菩薩及能起作十切有情諸饒益事恒常無
間蒙佛菩薩無倒教授任持善品領受殊勝
證得分位由領受故於可稱讚攝受殊勝證
得分位能正安處如已舍宅住此位已能於
後後殊勝分位一切種相覺慧昇進漸次乃
至到於究竟於其中間不生喜足如是昇進
證得究竟從此不求其餘上地已到究竟極
邊際故名得無上是名菩薩地義次第

本地分中有餘依地第十六

如是已說菩薩地云何有餘依地當知此地
有三種相一者地施設安立二者寂靜施設
安立三者依施設安立

云何地施設安立謂有餘依地除五地一分
謂無心地修所成地聲聞地獨覺地菩薩地

除一地惡全謂無餘依地瑜伽師地論五十二所餘諸地名有餘依

地是名地施設安立

云何寂靜施設安立謂由四種寂靜施設安
立有餘依地一由苦寂靜故二由煩惱寂靜
故三由不損惱有情寂靜故四由捨寂靜故
云何苦寂靜謂阿羅漢苾芻諸漏永盡所有
當來後有衆苦皆悉永斷已得漏知如多羅

樹斷截根頂不復現前由得當來不生法故
是名苦寂靜

云何煩惱寂靜謂阿羅漢苾芻貪欲永斷瞋
恚永斷愚癡永斷一切煩惱皆悉永斷由得
畢竟不生法故是名煩惱寂靜

云何不損惱有情寂靜謂阿羅漢苾芻貪欲
永盡瞋恚永盡愚癡永盡一切煩惱皆悉永
盡不造諸惡修習諸善是名不損惱有情故
靜云何捨寂靜謂阿羅漢苾芻諸漏永盡於
六根住恆常無間多分安住謂眼見色已不
喜不憂安住上捨正念正知如是耳聞聲已
鼻嗅香已舌嘗味已身覺觸已意了法已不

喜不憂安住上捨正念正知是名捨寂靜即
依如是四種寂靜說有餘依地最極寂靜最
極清涼是名寂靜施設安立

云何依施設安立謂有八種依一施設依二
攝受依三住持依四流轉依五障礙依六苦

惱依七適悅依八後邊依

惡 瑜伽師地論卷十

十一

云何施設依謂五取蘊由依此故施設我及
有情命者生者能養育者補特伽羅意生儒
意等諸想等謂假用言說及依此故施設如
是名字如是生類如是種姓如是飲食如是
領受苦樂如是長壽如是久住如是壽量邊
際等諸想等想假用言說

云何攝受依謂七攝受事即自己父母妻子
奴婢作使僮僕朋友眷屬七攝受事如前意
地已廣分別依此了知諸有情類有所攝受
云何住持依謂四種食即段食觸食意思食
識食由依此故已生有情住立支持又能攝
養諸求有者

云何流轉依謂四種識住及十二緣起即色
趣識住受趣識住想趣識住行趣識住及無
明緣行行緣識廣說乃至生緣老死由依此
故諸有情類於五趣生死隨順流轉云何障
礙依謂諸天魔隨有彼彼修善法處即往其
前為作障礙

云何苦惱依謂一切欲界皆名苦惱依由依此故令諸有情領受憂苦

云何適悅依謂靜慮等至樂名適悅依由依此故諸有情類若即於此現入彼定若住於

彼長夜領受靜慮等至所有適悅

云何後邊依謂阿羅漢相續諸蘊由依此故

惡 瑜加師地論五下

十二

說諸阿羅漢住持最後身

問阿羅漢必芻諸漏永盡住有餘依地當言

與幾種依共相應耶答當言與一種依一向

相應謂後邊依與六攝受事不共相應與流

轉依與障礙依一向全不相應與所餘依非

相應非不相應是名依施設安立

本地分中無餘依地第十七

如是已說有餘依地云何無餘依地當知此地亦有三相一者地施設安立二者寂滅施設安立三者寂滅異門安立

云何地施設安立謂先所除五地一分當知即此無餘依地所攝謂無心地修所成地聲聞地獨覺地菩薩地

云何寂滅施設安立謂由二種寂滅施設安立如是無餘依地一由寂靜寂滅故二由無損惱寂滅故云何寂靜寂滅謂先於有餘依地獲得觸證四種寂靜今無餘依涅槃界中亦有最勝四種寂靜一數教寂靜二一切依

寂靜三依依苦寂靜四依依苦生疑慮寂靜
如說

由無下劣心 能忍受勤苦 彼所趣解脫

譬如證涅槃

云何無損惱寂滅謂與一切依不相應違背

一切煩惱諸苦流轉生起轉依所顯真無漏

惡 瑜伽師地論卷下

界如說茲芻永寂滅名真安樂住又三又如說言

實有無生無起無作無為無等生起亦有有

生有起有作為有等生起若當無有無生

無起無作無為無等生起我終不說有生有

起有作為有等生起有永出離由實有無

生無起無作無為無等生起是故我說有生

有起有作有為^有等生起有永出離世尊依
此密意說言甚深廣大無量無數是謂寂滅
由於此中所具功德難了知故名為甚深極
寬博故名為廣大無窮盡故名為無量數不
能數無二說故名為無數云何此中數不能
數謂有非有不可說故即色離色不可說故
即受離受不可說故即想離想不可說故即
行離行不可說故即識離識不可說故所以
者何由此清淨真如所顯一向無垢是名無
損惱寂滅如是二種總說為一寂滅施設安
立云何寂滅異門施設安立當知此中寂滅
異門有無量種謂名為常亦名為恒亦名久

住亦名無變亦名有法亦名舍宅亦名洲渚
亦名救護亦名歸依亦名所趣亦名安隱亦
名淡泊亦名善事亦名吉祥亦名無轉亦名
無垢亦名難見亦名甘露亦名無憂亦名無
沒亦名無識亦名無熱亦名無病亦名無動
亦名涅槃亦名永絕一切戲論如是等類應
知說名寂滅異門是名寂滅異門施設安立

惡 瑜伽師地論卷五

十四

瑜伽師地論卷第五十

惡

晶 許玉 穀 胡谷 庚 於主 洲渚 下之 淡泊 下音

音 拍

山城國綴喜郡新村

靈瑞山剛恩菴沙門宗桂書寫之



